

Regio.
Nomen.
Etymon. Mo-
schovia.
Situs.

Cæli temperies.

Soli fertilitas.

Animalium va-
rietas.

Imperium.

Urbes.

Russia, quæ etiam *Roxolania* dicitur, gemina est, *Nigra & Alba*. Illa Poloniae contermina est, hæc Moscoviæ pars. Porro *Moscovia* a Moscho amne haud dubie sic dicta, qui & Regiæ urbi, quam interfuit, suum quoque nomen indidit. Ejus imperium longe lateque extenditur, ac Mari glaciali a Septentrione terminatur, ab Oriente Tartaros, a Meridie Turcas & Polonos, ab Occidente vero Livones & Sueciæ regem vicinos habet. Quo omni tractu amplæ ditiones continentur; itaque Moschoviæ Dux hoc titulo fere utitur: *Magnus Dominus Basilius, Dei gratia Imperator ac Dominator totius Russiae, nec non magnus Dux Wolodimiria, Moschovia, Novogrodia magna, Pskovia, Smolenskie, Thweria, Jugaria, Permia, Viathkia, Bulgaria, etc. Dominator & magnus Princeps Novogrodia inferioris terræ, Czernigovia, ReZania, Wolochdia, Rsovia, Bielloia, Rostovia, Jaroslavia, Polockia, Biellozeria, Udoria, Obdoria, Condinniaque, &c.* Immoderata in Moscoviæ & aspera Aëris temperies, adeo tamen salubris, ut ibi ultra Tanais fontes Septentrionem & Orientem versus nulla unquam pestis sæviat, etsi morbum haud dissimilem habeant quem *Calorem* vocant, qui intestina & caput adeo infestat, ut paucis diebus pereant. Regio in universum neque Vitem neque Oleam, neque paullo suavioris Pomæ frugiferam arborem præter Meloepones & Cerasa producit: quum teneriora quæque gelidissimis Boreæ flatibus exurentur: campi tamen Tritici, Siliginis, Milii, Paniculae, & omnis generis Leguminum segetes ferunt, sed certa mensis in Cera & Melle consistit. Silva hic Hercynia immanibus Feris plena. Ea in parte quæ vergit ad Prussiam Vri ingentes & ferocissimi Taurorum speciei reperiuntur, quos Bison vocant. Itemque Alces cervina effigie, & cum carnea proboscide altisque cruribus, & nullo suffraginum flexu, *Isotia* Moschovitis, a Germanis vero *Helenes* appellati. Præterea Vrsi inusitatae magnitudinis & prægrandes Lupi atro colore formidabiles. Venatio atque etiam Avium captura nusquam gentium felicior. Nam venaticis Canibus & plagis omnis generis Feras capiunt, & Asturibus atque Falconibus, quos mirificos regio Pecerra præbet, non modo Phasianos & Anates, sed Cygnos & Grues consecretantur. Cæterum *Russie* seu *Moscovia* regiones amplissimæ sunt. Ejus omnia, Civitates, Opida, Arces, Pagi, Silvæ, agri, lacus, flumina, unius Principis, quem Incolæ magnum *Czar*, id est Regem seu Imperatorem vocant, imperio & nutui subfunt, & quidquid singula commodi ferunt, in unius Principis fiscum congerunt. Duces ac Comites, qui dominium utile in bonis feudalibus liberum possideant, & ad hæredes eadem transmittant, nulli sunt. Ad dicit quidem pagos & agros nonnullis, sed rusticorum operis nihilominus utitur, & rursus cum libet adimit: adeo ut absolutum in subditos omnium rerum imperium habeat, & vicissim tanquam Deus a subditis colatur, eique obedientia omnibus in rebus, absque ulla recusatione præstetur. Caput totius Regni & Metropolis est urbs *Moschovia* vulgo *Moskva*, tū litu suo oportuna, qui regionis medius esse existimatur; tum insigni fluminum frequentia celebris, & domorum amplitudine numeroque & munitissimæ arcis robore. Oblongo enim ædificiorum tractu secundum Moschi fluminis ripam ad spatium quinque milliarium extenditur. Domus in universum sunt lignæ, distinctæ in triclinia, coquinas & cubilia, numerus earum fertur esse supra 41500.